



氏族典第四百八十五卷

暴姓部彙考

廖用賢尙友錄

暴姓

暴魏郡商音周諸侯暴辛公之後

暴姓部列傳

周 暴謹

暴獻一作薦

暴薦

按姓氏急就篇韓有暴謹

按姓氏急就篇韓有暴獻

按萬姓統譜薦將軍

漢 暴勝之

暴利長

暴汜

按漢書雋不疑傳武帝末郡國盜賊羣起暴勝之爲直指使者衣繡衣持斧逐捕盜賊督課郡國東

至海以軍興誅不從命者威振州郡

按姓氏急就篇漢有新野人暴利長

按姓氏急就篇

漢有睢陽太守暴汜

晉 暴重

按姓氏急就篇晉建平都尉暴重

北魏 暴喟 暴誕

按北齊書暴顯傳顯祖喟魏琅琊太守朔州刺史

按北齊書暴顯傳顯父誕魏恆州刺史左衛

將軍樂安公

北齊 暴顯

按北齊書暴顯傳顯字思祖魏郡斥丘人祖喟魏朔州刺史因家邊朔顯少經軍旅善於騎射孝昌二年除羽林監中興元年除襄威將軍晉州車騎府長史後從高祖於信都舉義授中堅將軍散騎侍郎帳內大都督天平二年除渤海郡守元象二年除北徐州刺史當州大都督武定二年除征南將軍廣州刺史六年拜太府卿從世宗平王思政於潁川授潁州刺史七年轉鄭州刺史天保元年加衛大將軍乾明元年除車騎大將軍皇建元年封樂安郡開國公二年除趙州刺史河清元年遷洛州刺史二年復除朔州刺史秩滿歸天統元年加特進驃騎大將軍封定陽王四年卒

明 暴昭

按名山藏臣林外記暴昭潞州人洪武初繇國子生授大理寺司務耿介有峻節歷官清儉布衣麻履而已建文初以北平參政防燕又以刑部侍郎充採訪使於北平又以刑部尙書領平燕布政司於真定成祖卽位昭出亡被執及見則大罵命誅之拔齒截肢不已也斷首乃絕

暴毅 暴士弘 暴景曾 暴孟奇

按萬姓統譜毅蒲城人洪武中任南康知府

按萬姓統譜士弘秦州人成化中舉人任教諭

按萬姓統譜景曾河內人成化中臨川縣知縣

按萬姓統譜孟奇隆慶中山西解元戊辰進士

任御史

暴廷山 暴偉 暴旻

按丘縣志廷山例貢

按范縣志偉胙肥人任主簿

按范縣志旻汶水人任典史

郇姓部彙考

鄭樵通志 以國爲氏

郇氏周文王之子封於郇或又言第十一子聃季之弟子爵今單州成武有二郇城是其地也晉有

高昌長郃玖望出安定京兆

凌迪知萬姓統譜 郃姓

郃京兆角音

郃姓部列傳

周 郃延年

按萬姓統譜延年宋大夫

漢 郃衡山

按萬姓統譜衡山見印藪

晉 郃玖

按鄭樵通志晉有高昌長郃玖

唐 郃貞鉉

按萬姓統譜貞鉉光宅登科

元 邵知章

按萬姓統譜知章樂平人家世業儒有詩名與司業王嗣能齊名世號王邵

明 邵安 邵惟忠 邵猷 邵楷

按萬姓統譜安儀真人永樂舉人任山東高密縣學訓導 按萬姓統譜惟忠鄧州人宣德中廣

東副使 按福寧州志猷字洪謨福寧人天順間任順德縣教諭 按福寧州志楷字端夫弘

治間歲貢

邵聲 邵琇 邵大經

按福寧州志聲字孟言正德間歲貢 按萬姓統譜琇鹽城人嘉靖中任諸城縣訓導 按萬

姓統譜大經字汝修吳橋人嘉靖丙辰進士歷任山西叅政

邵光先 邵永春 邵天德

按萬姓統譜光先山西長治人嘉靖己未進士歷任都察院右副都御史 按萬姓統譜永春直

隸長垣人嘉靖乙丑進士歷任御史 按河南通志天德河內義民闖寇陷城天德父子五人同

罵賊死

到姓部彙考

鄭樵通志

以名爲氏

楚人名

到氏楚屈到之後以名爲氏

廖用賢尙友錄 到姓

到彭城徵音

到姓部列傳

宋 到彥之

按南史到彥之傳彥之字道豫彭城武原人楚大夫屈到後也宋武帝討孫恩以鄉里樂從每有戰功義熙元年補鎮軍行參軍以軍功封偃山縣子爲太尉中兵參軍驃騎將軍道憐鎮江陵以彥之爲驃騎諮議參軍尋遷司馬南郡太守武帝受命進爵爲侯元嘉三年改封建昌縣公遷南豫州刺史卒諡曰忠

到元度 到仲度 到遁

按南史到彥之傳彥之長子元度益州刺史 按南史到彥之傳彥之少子仲度驃騎從事中郎

按南史到彥之傳彥之子仲度仲度子遁元徽中爲南海太守在廣州昇明元年沈攸之反刺史陳顯達起兵應朝廷遁猶豫見殺

南齊 到搆

按南齊書到搆傳搆字茂謙彭城武原人也祖彥之父仲度搆起家爲太學博士除奉車都尉明帝立欲收物情以搆功臣後擢爲太子洗馬建元初遷司徒右長史出爲永嘉太守世祖卽位一歲三遷永明元年加輔國將軍轉御史中丞免官久之白衣兼御史中丞遷五兵尙書八年卒

到賁 到坦

按南齊書到搆傳搆弟賁初爲衛尉主簿奉車都尉昇明初爲中書郎太祖驃騎諮議建元中爲征鹵司馬卒 按南齊書到搆傳搆弟坦解褐本州西曹昇明二年爲太祖驃騎參軍歷豫章王鎮

西驃騎二府諮議轉大司馬諮議中書郎卒

梁 到沆

按梁書到沆傳沆字茂澄彭城武原人也曾祖彥之父攜齊五兵尚書沆幼聰敏齊建武中起家後軍法曹叅軍天監初遷征鹵主簿高祖初臨天下收拔賢俊甚愛其才東宮建以爲太子洗馬三年爲殿中曹侍郎四年遷太子中舍人五年卒官

到溉

按梁書到溉傳溉字茂灌彭城武原人曾祖彥之祖仲度父坦溉聰敏有才學起家王國左常侍歷殿中郎出爲建安內史遷中書郎湘東王諱爲會稽太守以溉爲輕車長史行府郡事遭母憂服闋除通直散騎常侍御史中丞郢州長史江夏太守入爲左民尚書坐事左遷俄授國子祭酒後因疾失明詔以金紫光祿大夫就第卒

到洽

按梁書到洽傳洽字茂淞彭城武原人也彥之曾孫祖仲度父坦洽少知名天監二年遷司徒主簿五年遷尚書殿中郎七年爲侍讀九年遷國子博士十二年出爲臨川內史十六年遷太子中庶子

普通元年以本官領博士頃之入爲尙書吏部郎請託一無所行遷給事黃門侍郎領尙書左丞準繩不避貴戚六年遷御史中丞號爲勁直七年出爲雲麾長史尋陽太守大通元年卒諡曰理子伯淮仲舉

到鏡 到藎

按梁書到溉傳藎子鏡字圓照安西湘東王法曹行參軍太子舍人早卒 按梁書到溉傳鏡子

藎早聰慧起家著作佐郎歷太子舍人宣城王主簿太子洗馬尙書殿中郎丹陽尹丞太清亂赴江陵卒

陳 到仲舉

按陳書到仲舉傳仲舉字德言彭城武原人也祖坦齊中書侍郎父洽梁侍中仲舉釋褐著作佐郎出爲長城令政號廉平文帝君鄉里常詣仲舉仲舉深自結託文帝爲吳興郡守以仲舉爲郡丞文帝嗣位授侍中參掌選事天嘉元年守都官尙書天康元年遷侍中文帝崩高宗受遺詔爲尙書令入輔仲舉等矯旨遣高宗還東府事發收付廷尉於獄賜死

到姓部紀事

梁書到溉傳溉與弟洽俱聰敏有才學早爲任昉所知由是聲名益廣時以溉洽兄弟比之二陸故世祖贈詩曰魏世重雙丁晉朝稱二陸何如今兩到復似凌寒竹

抱姓部彙考

凌迪知萬姓統譜 抱姓

抱漢末時杞康避董卓難改姓抱

抱姓部列傳

北魏 抱睹生

按魏書抱疑傳疑忠謹高祖文明太后嘉之徵其父睹生拜太中大夫卒贈秦州刺史諡曰靖

抱疑

按魏書抱疑傳疑字道德安定石唐人居直谷自言其先姓杞漢靈帝時杞匡爲安定太守董卓時懼誅易氏家焉無得而知也幼時隴東人張乾王反叛家染其逆乾王敗父睹生逃免疑沒入京都

爲宦人以忠謹被擢累遷爲中常侍安西將軍中曹侍御尙書賜爵安定公俄加散騎常侍大長秋老疾請外乃以爲鎮西將軍涇州刺史特加右光祿大夫太和十九年被詔赴洛以刺史從駕南征後數年卒

抱老壽

按魏書抱疑傳疑卒以從弟老壽爲後紹爵酒色肆情御史中尉王顯奏削爵

好姓部彙考

鄭樵通志 去聲

好氏火報切見纂要

好姓部列傳

後漢 好因

按後漢書种嵩傳嵩子拂爲宛令時南陽郡吏好因休沐游戲市里爲百姓所患拂出逢之必下車公謁以愧其心自是莫敢出者

繆姓部彙考

凌迪知萬姓統譜

繆姓

繆耶到切見姓纂

按史記秦本紀注繆氏出邯鄲

繆姓部列傳

秦 繆毒

按史記秦始皇本紀八年繆毒封爲長信侯

奧姓部列傳

元 奧屯茂

按萬姓統譜屯茂大名人德間任河東陝西都轉運鹽使司運使有惠政旣去民立像祀之

明 奧里俊 奧登雲

按萬姓統譜里俊麻城人洪武初餘干知縣

按東阿縣志登雲陝西富平縣人崇禎間任縣丞

冒姓部列傳

元 冒致中

按揚州府志致中海陵人元末爲兩淮鹽運丞嘗至東陳見沃壤可居遂致仕家焉張士誠聞其賢屢辟不就脅入吳門以疾辭勤學好修聚書數千卷

明 冒哲 冒佑

按萬姓統譜哲如阜人洪武中舉明經授本學訓導有造士聲子政官都御史按萬姓統譜佑如阜人永樂舉人冠縣訓導

冒政

按明外史張鼎傳張鼎成化十一年進士累官僉都御史巡撫遼東召爲南京右都御史會劉瑾遣給事中王翊等覈遼東軍餉還奏獨粟多浥爛遂以爲守臣罪逮鼎及前叅政冒政等下詔獄政泰州人鼎同年進士歷官右副都御史巡撫寧夏守官廉劉瑾覬賄不得遂假遼東事逮之罰米至三千石瑾誅復職致仕久之卒

冒鸞

按揚州府志鸞字廷和如皋人年十六舉於鄉弘治癸丑成進士授兵部武庫司主事壬戌會試充同考官所取多知名士陞郎中淮揚種馬舊納折色時欲令納馬鸞上章爭之得免陞福建左叅議大茂山劇賊肆掠鄉邑鸞遣諭以禍福賊悉降地方獲安以母老告歸養

冒諍臣

冒鳳

冒守愚

冒起宗

按萬姓統譜諍臣如皋人正德中廣西興樂縣知縣

按萬姓統譜鳳如皋人嘉靖中任肥鄉縣

丞

按萬姓統譜守愚如皋人萬曆間直隸高陽縣知縣

按揚州府志起宗如皋人官副使

冒襄

按揚州府志襄字辟疆如皋人憲副起宗長子董文敏稱爲俊才試輒冠軍閣部薦爲監軍後大廷特用司李皆不就隱水繪庵著書爲名山藏澹如也所著有朴槩水繪二集子嘉穗丹書有文譽而丹書尤篤孝

吳姓部列傳

周 吳燕

按萬姓統譜燕大夫

告姓耗姓受姓柔姓冢姓濕姓部彙考

凌迪知萬姓統譜

告姓

耗姓

受姓

柔姓

冢姓

濕姓

告見姓苑

耗見姓苑

受音到見直音又見千姓編

柔音報見直音

冢音奧見直

音

濕見千姓編

